

BYWGRAFFIAD ARTIST

Jeffrey Howard

Accompanist

Artist Manager: Sioned Jones

sioned.jones@harlequin-agency.co.uk



Ganed Jeffrey Howard yng Nghaerdydd ac astudiodd yng Ngholeg Prifysgol Cymru, Caerdydd ac yn y Royal Academy of Music, Llundain.

Mae Jeff yn Gyfarwyddwr Cerddoriaeth yng Ngholeg St John's, Caerdydd a Chadeirlan Fetropolitan Caerdydd. Mae'n parhau i ddilyn gyrfa fel organydd, pianydd, canwr, hyfforddwr ac arweinydd ac mae Jeff wedi cyfeilio i gantorion rhyngwladol yn cynnwys Syr Bryn Terfel, Syr Willard White, Dennis O'Neill, Nuccia Focile, Rebecca Evans, Alfie Boe, Wynne Evans, Michael Ball, Shân Cothi, Katherine Jenkins, Jason Howard ac yn fwy anffurfiol, y Fonesig Shirley Bassey.

Mae'n berfformiwr rheolaidd mewn neuaddau cyngerdd ac eglwysi cadeiriol ledled y DU ac Ewrop, yn cynnwys y Royal Albert Hall, Royal Festival Hall, Wigmore Hall, Eglwys Gadeiriol St Paul's, Capel St George's yn Windsor, Notre Dame de Paris a'r Goethe Institute ym Mrwsel. Mae ei berfformiadau concerto yn cynnwys concerti i'r piano gan Beethoven, Shostakovitch a Rachmaninov.

Mae Jeff wedi gweithio fel arweinydd a threfnydd gyda cherddorfeydd yn cynnwys y Royal Philharmonic Orchestra, Royal Liverpool Philharmonic Orchestra, Cerddorfa Genedlaethol Gymreig y BBC, Cerddorfa Opera Cenedlaethol Cymru, City of Birmingham Symphony Orchestra, Cerddorfa Symffoni Budapest ac mae'n perfformio'n aml fel unawdydd allweddell i Syr Karl Jenkins. Mae ei gomisiynau diweddaraf yn cynnwys trefniannau Ffanffer ac Emyr y Pasg i Eglwys Gadeiriol Genedlaethol Washington, trefnu'r sioe gerdd newydd *Tiger Bay* ar gyfer Canolfan Mileniwm Cymru a Capetown Opera, trefniannau corawl i Gorws Cenedlaethol Gymreig y BBC, Songs of Praise, S4C ac unawdwy recordio yn cynnwys Syr Bryn Terfel ar gyfer Deutsche Grammophon a Trystan Llŷr ar gyfer Universal.

Fel cyfeilydd, canwr a threfnydd i Only Men Aloud, bu Jeff ar daith drwy'r DU ddwywaith yn 2009 a rhyddhaodd ddwy albwm gyda nhw ar label Universal. Paratôdd nifer o drefniannau ar gyfer eu hail albwm, 'Band of Brothers', ar label Universal a enillodd wobr Classical Brit yn 2010.

Dros y pum-mlynedd-ar-hugain diwethaf, mae Jeff wedi bod yn hyfforddwr llais yng Ngholeg Brenhinol Cerdd a Drama Cymru, Opera Cenedlaethol Cymru ac Opera Cenedlaethol Ieuencid Cymru, Academi Llais Rhyngwladol Cymru ac ar y Cwrs Theatr Cerdd yn CBCDC. Mae hefyd wedi bod yn athro llais ym Mhrifysgolion Caerdydd a Bryste.

Mae Jeff yn Gyfarwyddwr Cerdd Côr Cambrensis, Côr 200 o leisiau St David's Praise ac yn gyn-arweinydd Côr Meibion Treorci. Gwnaed Jeff yn Gydymaith o'r Royal Academy of Music am ei waith i gerddoriaeth gorawl yn 2018 a derbyniodd Wobr Joseph Parry am ei wasanaeth i gerddoriaeth yng Nghymru gan Urdd Cerddoriaeth Cymru. Derbyniodd Fedal yr Ymerodraeth Brydeinig yn Rhestr Anrhydeddau Blwyddyn Newydd 2019.

Rydym yn diweddarau'n bywgraffiadau yn gyson, felly cysylltwch â ni am y fersiwn ddiweddaraf, os gwelwch yn dda.

HARLEQUIN